

陸川縣志卷之二十二

雜錄

沙湖堡石袍山有肉翅虎下山食人食訖即飛還絕巖

寰宇記

肉翅虎出石袍山晨伏宵出其飛也璣常向鬼門關食人爲獐人射殺予得見之比凡虎差小翅如蝙蝠眼閃閃如陰燐渾身

虎文飾其皮以辟百鬼

雅赤

榕江堡謝仙山四時產果可食有懷之者輒迷歸路

李通志

縣城北街有羅侯廟各鄉亦有羅侯廟羅侯何姓名爲何時人因何立廟未得其詳相傳生長於六良堡白竹村修練得道孩童有疾經其摹抱不藥自愈其門外有白竹二竿後人因以名

陸川縣志

卷之二十二

雜錄

一

村

東山瀑布一名白水灘有時聲震如雷遠聞十餘里久旱聞之必雨久雨聞之必晴榕江堡白頭山之龍潭久雨潭鳴必晴久旱潭鳴必雨

南中堡南中洞上頭有寶鴨池經冬不涸相傳池內有魚王石當春雨陡發遍洞多魚附近居民得享天然之利

朗洞堡黃楊甲黃洞山腳有井曰瑞井井口木質泉涓涓溢井外相傳昔有古木一株徑大二尺餘不知茁於何時明天順間大風摧而斷之留地面者僅及尺附近者空巷往觀見木本中空形同井口有泉湧出清潔逾恆試之甘且熱甚村人大喜常

相汲食時亦就此燂豬羊鷄鴨合村稱便後有李某屠狗其旁誤濺以血熱度驟減而泉源不涸計自天順迄今幾五百年井口之木不朽如故井噴之泉其甘如故雖天久旱隆冬井足以供村人之汲而常溢者仍如故村人因名其井曰瑞井遠近以瑞井故名其村亦曰瑞井村

大襖堡之北有柳竹庵離庵半里遙有石山相傳山半昔有巖洞名李王殿寬敞幽雅嘗有神仙到此下棋簫管琴瑟之音遙聞數里其聲清亮疑來自天上非人間所有故又名曰仙巖鬱北陸各官僚及高人韻士來遊者絡繹不絕以致地方米珠薪桂覓食維艱村人苦之以土封塞洞口復種半山樹木以迷亂陸川縣志

卷之二十二

雜錄

二

之嗣後其洞盡滅痕迹無路問津今惟存古木十餘株明末清初有堪輿先生偶到有龍堡馬坡墟寄寓問其姓名里居詭言以對堡內梁大梁二兄弟請渠卜葬先人擇豬嶺寨附近之山喝形逼虎跳牆下葬時先生託言往看後龍梁兄弟畢葬事尋之不見心知其異欲追殺之杳無蹤跡遂歸家捉鷄殺以祭墓鷄飛過門首圍牆梁大隨躍過獲之自此兄弟皆能飛猱獍兇惡自稱霸王聚黨橫行剽掠鄉里官兵屢捕不獲挖其墳視之骸罈內有兩鷹兒有翼未毛斫去其翼并於墓背入脉處鋤斷之嗣後梁兄弟欲飛即仆遂爲官兵禽誅

清咸豐間匪亂朗洞堡黃楊甲舉鄉保於帽嶺寨賊乘夜襲之

至寨下忽見滿寨皆丁壯手弓矢鎗礮礮燃火索箭在弦上如臨敵狀大驚而退寨內人實高臥未醒翌日始知咸謂帽嶺大王顯聖立石奉祀今村人猶於春秋社日祭之疾病者往禱多不藥而愈

順安西堡風門甲石子塘頭村有謝某者窶人子也幼失怙終鮮兄弟與老母相依爲命清同治十二年癸酉秋臥病數日死死二日家貧不能棺殮既而復活同居者聞其異男婦奔集間其死後見何狀答云見一衙門壯麗十倍縣署因站頭門外男女出入甚夥無與攀談者卒見口水大伯在道旁賣發糕未幾見呂大人乘四人轎而入又見六大婆輿轎而人枕鄰大相公

陸川縣志

卷之二十二

雜錄

三

手持雨傘笑容可掬亦昂然而入見而識者祇此而已其所謂口水大伯者鄉曲平民呂姓常賣發糕於臨路店者也呂大人者鄉紳呂錫蕃廣東候補道奉委回籍籌餉辦髮匪者也二人死近十年矣六太婆者鄉紳呂德憲德輝之母時方寢疾大相公者比鄰附生呂昭貞時赴省鄉試未回均與謝某居在一里內聞者知爲冥間事矚其守秘密洩則非福然鄉間已轟傳矣未及一月六太婆死大相公赴舉報罷回籍不及三月亦病而死將終時其堂叔往見謝某謂吾家大相公氣將絕矣毋庸忌諱汝前病垂死時所見若何再爲我詳之謝仍言之鑿鑿

南中堡新塞塘村陳宗德之妻張氏於清光緒八年二月因產

身亡臨死驚喊曰張八娘來捉我先是宗德與鄰婦張八娘通其夫知覺毆之八娘仰藥死自張氏死後宗德家時聞張氏與八娘爭競聲不時現形能飲食能應對或拋木石或撒糞土或於夜靜時在宗德牀赤身蛇行并能偷竊物件適鄰家作壽酒海味魚肉均致廚下轉瞬不見主人謂廚子騙去廚子謂主人收回互相爭論宗德聞之知爲二女鬼所盜罵曰爾曹偷人廚下物主人明早何以款賓急還之未幾所失之物復回原處如此二年宗德不堪其擾挈眷遷居牛柑村離舊居二十餘里家私什物尚未搬齊二女鬼已尋到此時但現形飲食不復聞聲與前稍異及宗德死家人相繼亡者七八人其弟宗華以二女

陸川縣志

卷之二十二

雜錄

四

鬼爲崇復遷居於縣城北街其患始息

沙湖堡石陂村附生謝運通妻鍾氏一產三胎皆男子朗洞堡亞根山村監生陳宗蘭妻梁氏亦一產三胎皆男子關廂堡北墟頭牌坊腳龐燦智之妻陶氏兩產雙胎一產三胎皆男子清末以來縣屬地方屢有蟲食松葉葉盡木枯是年必大饑米價騰貴